



Broj:  
Maglaj,

## PRIJEDLOG

Na osnovu člana 18, 30, 33. i 34. Statuta Općine Maglaj-prečišćen tekst („Službene novine Općine Maglaj“, br. 8/07, 3/08 i 6/08), Općinsko vijeće Maglaj na \_\_\_ redovnoj sjednici, održanoj \_\_\_\_\_ godine, donosi

## RJEŠENJE o imenovanju Drugostepene stručne komisije

### Član 1.

Imenuje se Drugostepena stručna komisija Općinskog vijeća Maglaj u sastavu:

1. Armina Agić, predsjednica
2. Enes Heldovac, član
3. Ibrahim Džafić, član

### Član 2.

Komisija iz člana 1. ovog Rješenja se imenuje kao radno tijelo Općinskog vijeća Maglaj.

### Član 3.

Nadležnosti Komisije utvrđene su Statutom Općine Maglaj.

### Član 4.

Komisija se imenuje na period od 2 (dvije) godine, a počev od 03.02.2025. godine.

### Član 5.

Utvrdjuje se naknada za rad članovima Drugostepene stručne komisije, tako da visina naknade za prisustvo i učešće u radu Komisije po sjednici iznosi:

- 40,00 KM za predsjednika
- 30,00 KM za članove.

### Član 6.

Ovo Rješenje stupa na snagu danom donošenja i ima se objaviti u „Službenim novinama Općine Maglaj“.

DOSTAVLJENO:

1. Imenovanim
2. Služba Općinskog načelnika i Općinskog vijeća
3. Služba za privredu, finansije i razvoj poduzetništva
4. Arhiva.

PREDSJEDAVAJUĆA

Aida Bašić

## O b r a z l o ž e n j e

Članom 18. Statuta Općine Maglaj – prečišćen tekst („Službene novine Općine Maglaj“, br. 8/07, 3/08 i 6/08) propisano je da Općinsko vijeće Maglaj u okviru svojih nadležnosti donosi odluke, rješenja, propise i opće akte.

Članom 30. Statuta Općine Maglaj propisano je da Vijeće osniva radna tijela: komisije, savjete, odbore, radne grupe i druga stalna i povremena radna tijela. Radna tijela se osnivaju radi stručne obrade i praćenja određenih oblasti u okviru nadležnosti Vijeća.

Članom 33. Statuta Općine Maglaj, propisano je da ako je u prvostepenom postupku rješavano, na osnovu Statuta ili propisa Vijeća ili u okviru isključivih prava i dužnosti Općine, o žalbi protiv tih rješenja u drugom stepenu rješava Drugostepena stručna komisija Vijeća.

Po žalbama iz prethodnog stave rješavat će se u skladu sa Zakonom o upravnom postupku. Komisija preduzima radnje u upravnom postupku iz nadležnosti Vijeća vođenom u drugostepenom postupku.

U skladu sa članom 34. Statuta Općine Maglaj, Drugostepenu stručnu komisiju obrazuje Vijeće iz reda stručnih lica, koji ne moraju biti izabrani vijećnici. Komisija broji 3 (tri) člana, a mandat traje 2 (dvije) godine.

Komisija za izbor i imenovanja je aktom broj: 02-45-1-1975/24 od 19.12.2024. godine zatražila od političkih stranaka koje učestvuju u radu Općinskog vijeća Maglaj da dostave prijedloge za imenovanje komisija kao radnih tijela Općinskog vijeća.

U ostavljenom roku svoje prijedloge dostavili su OO SDA, OO DF, OO SNAGA NARODA, OO PDA, OO NAPRIJED! BiH i OO BH ZELENI. S obzirom da OO SDP nije dostavila svoje prijedloge, Komisija za izbor i imenovanja je na sjednici održanoj 06.01.2025. godine donijela Zaključak kojim se od OO SDP ponovo traži da u ostavljenom roku, tačnije do 13.01.2025. godine dostave svoje prijedloge za imenovanje komisija Općinskog vijeća Maglaj.

S obzirom da OO SDP ponovo nije dostavila svoje prijedloge, Komisija za izbor i imenovanja je zatražila od političkih stranaka koje učestvuju u radu Općinskog vijeća, a koje su ranije dostavile svoje prijedloge, da prijedloge dopune sa imenima kako bi se Prijedlog Rješenja o imenovanju Drugostepene stručne komisije dostavio Općinskom vijeću Maglaj na usvajanje.

S obzirom da mandat članovima Drugostepene stručne komisije, koji su imenovani Rješenjem Općinskog vijeća Maglaj broj: 02-04-1-151/23 od 31.01.2023. godine ističe 02.02.2025. godine, potrebno je da Općinsko vijeće Maglaj imenuje nove članove, odnosno donese Rješenje o imenovanju Drugostepene stručne komisije.

Obradivač: Emina Hasanić



PREDLAGAČ

Komisija za izbor i imenovanja